



ՎԵՀԱՓԱՌ ՀԱՅՐԱՊԵՏԻ ԱՌԱՋԻՆ ԱՇԱԿԵՐՏՆԵՐԸ ՄԱՅՐ ԱԹՈՌՈՒՄ

Սույն թվականի հուլիսի 6-ին Վեհափառ Հայրապետի գահակալության երեսնամյակը շնորհավորելու էին եկել Նորին Սրբության առաջին աշակերտները՝ շուրջ 40 հոգի, Բուխարեստի երբեմնի Միաքյան-Քեսիմյան դպրոցից: Մեծ մասը այսօր հայրենիքում գտել են իրենց պատվավոր տեղը կյանքում՝ գիտության, արվեստի և այլ ասպարեզներում:

Վեհափառ Հայրապետի աշակերտները նպատակ են ունեցել երևանում հավաքել Նորին Սրբության աշակերտներին աշխարհի տարբեր վայրերից՝ գալու, շնորհավորելու իրենց սիրելի Ուսուցչի հայրապետական բեղուն գործունեության երեսնամյակը, այդ է պատճառը, որ ներկայանում են հանդիսության օրերից բավական մեծ ուշացումով:

Նախ ողջույնի և հարգանքի խոսք առավ բժշկական ինստիտուտի օտար լեզուների ամբիոնի վարիչ տիար Հ. Առաքելյանը: Նա խորին երախտագիտություն հայտնեց Նորին Սրբությանը՝ իրենց մատուցած գիտելիքների և ազգային ոգու համար: Հիշողությունները մարդու կյանքն իսկ են, իսկ աշակերտները հիշում են իրենց երիտասարդ ուսուցչի ոգևորությունն ու եռանդը:

Ապա ողջույնի և շնորհավորանքի խոսքով հանդես եկավ պատմական գիտությունների թեկնածու Սուրեն Քոլանջյանը: Նա ի միջի այլոց ասաց.

«ՄԵՐ ՇԱՏ ԹԱՆԿԱԳԻՆ ԵՎ ՍԻՐԵԼԻ ՌԻՍՈՒՑԻՉ

S. S. ՎԱԶԳԵՆ Ա ՀԱՅՐԱՊԵՏ
ԱՄԵՆԱՅՆ ՀԱՅՈՑ

Այսօր բացառիկ հիշարժան տոնական օր է Բուխարեստի երբեմնի Միաքյան-Քեսիմյան ազգային վարժարանի հայրենաբնակ Չերդ Սրբության սաների համար, որոնք եկել են երկյուղածությամբ և անհուն սիրով ի սրտե շնորհավորելու Չերդ Վեհափառության գահակալության 30-ամյա պանծալի տարեդարձը: Վեհափառ Տեր, թույլ տվեք այստեղ ներկա աշակերտներին միջոցով հաղորդելու Չերդ Սրբության ի Հայաստան, ի Ռուսիա և ի սփյուռք աշխարհի ցրված Չեր մեծ թիվ կազմող երախտագետ աշակերտների որդիական պգացումներն ու սրբազին շնորհավորությունները:

Չերդ Վեհափառությունը բազում սերունդներ է դաստիարակել. այսօր Հայաստանում, Սովետական Միության տարբեր մասերում, ինչպես նաև Սփյուռքում գործող հայ հոգեվորականության կարևոր մեկ մասը Չեր սաներն են: Սակայն մենք մեկ հպարտ ու երջանիկ ենք զգում հատկապես, որ հանդիսացել ենք Չեր ավագագույն աշակերտները և հաղորդակից ենք եղել Չեր հոգու գանձերին և հայրենասիրական պատգամներին: Արդեն ավելի քան կես դար է անցել Բուխարեստում Չեր ծավալած մանկավարժա-

կան, հասարակական և հրապարակագրական բազմադրյուն գործունեությունից, սակայն մեր մեջ միշտ վառ է մնում Չեր կյանքի մեծ օրինակը, Չեր անսահման նվիրումը հայը հայ պահելու վսեմ գործին, հայաշունչ ոգին: Չեր կյանքը ամբողջությամբ բացառիկ նվիրում հանդիսացավ: Ռուսինիայի հյուսիսում, Հաճկատարի հինավուրց հայկական ուխտատեղի-վանքում, Չեր վարդապետական քառասունը անցկացնելուց հետո, Դուք կարողացաք Չեր անձով իսկ հարթել ռուսինահայ թեմի տագնապալի իրավիճակը, մեծ ձեռնհասությամբ դեկավարեցիք Ռուսինիայի և ապա Բուլղարիայի հայկական թեմերը և անապով երջանկահիշատակ Գևորգ Զ կաթողիկոսի կանչին, փութացիք այստեղ իբրև հավատավոր ծնողների արժանավոր զավակ և տեսիլք ունեցող հոգևորական և դարձաք ազգնւթիր և Աստվածապարգև Հայրապետ Ամենայն Հայոց: Չեր օրոք իր նոր վերածնունդն ապրեց Մայր Աթոռ Ս. Էջմիածինը, Չեր նախաձեռնության շնորհիվ նախ ամրապնդվեց նրա նյութական հիմքը, Չեր թելադրանքով և արվեստաների նրբազգաց հայացքի տակ իրենց երկրորդ կյանքն սկսեցին ապրել մեր բազում ճարտարապետական հուշարձանները, նոր վերելք ապրեցին հոգևոր ձեմարանն ու Հայաստանի և Սփյուռքի բազում եկեղեցիներ: Չեր միջոցով կրկին վառվեցին Վեհարանի լույսերը: Նույնիսկ օվկիանոսներից այն կողմ Չեր կատարած հովվապետական ուղևորությունների ընթացքում առատորեն բաշխեցիք Էջմիածնի լույսի շողերը և կյանքի կոչեցիք ուժացման եպրին հասած սփյուռքահայ սերունդներին, ստեղծելով դարակազմիկ մի ոսկե կամուրջ Սփյուռքի, Մայր Հայրենիքի և Ս. Էջմիածնի միջև:

Բովանդակ հայ պատմության ամենաերջանիկ Վեհափառ Հայրապետներից եղաք՝ գործելով հայկական պետականության, մեր ժողովրդի վերածնունդի և ծաղկման շրջանում, հնարավորություն ունեցաք իրականացնելու Չեր գեղեցկագույն մտահղացումները: Դուք չունեցաք Չեր անձնական կյանքը, հայ ժողովուրդ, Հայ Հայրենիք և Հայ Եկեղեցի,—ահա ձեր նվիրյալ կյանքի բացառիկ առաքելության մեծ ոլորտը՝ հոգևոր կյանք, մշակույթ, շինարարություն, ինչպես նաև հայրենասիրական, միջեկեղեցական հարաբերությունների և խաղաղության պաշտպանության գործեր:

Թանկագին և շատ սիրելի Ուսուցիչ մեր՝ Վեհափառ Հայրապետ Ամենայն Հայոց, Չեր

անձը, բացառիկ Չեր նվիրումը, ազգանվեր և հայրենանվեր Չեր խիզախումները վաղուց է, որ դարձել են մեզ համար ներշնչման աղբյուր. Չեր ալիզա աշակերտներից ոմանք փորձում են գնալ Չերոջ Սրբության լուսավոր հետքերով: Նրանք Հայաստանում, Ռուսինիայում և երկրագնդի տարբեր մասերում իրենց մասնակցությունն են բերում հայապահպանման և հայ մշակույթի հարստացման գործին: Հայրենիքում Չեր սաներից դարձել են Հայաստանի գնահատված ժողովրդական դերասանուհի, ակադեմիայի ինստիտուտներից մեկի տնօրենի տեղակալ, բժշկական և պոլիտեխնիկական ինստիտուտների ամբիոնի վարիչներ, օտար լեզուների դասախոսներ, նկարչուհի, գիտության տարբեր ասպարեզների ալիզա գիտական աշխատողներ, գիտության դոկտորներ և թեկնածուներ, ճարտարապետներ, ինժեներներ, պատմաբաններ, քիմիագործներ, տրևտեսագետներ, ուսուցիչներ և այլն:

Վեհափառ Տեր, Չեր ծննդյան 80-ամյա պանծալի տարեդարձին խոստանում ենք ներկայանալ ավելի մեծ թվով և հնարավորության դեպքում մեզ հետ բերել նաև Ռուսինիայում և Սփյուռքի տարածքում բնակվող Չեր աշակերտների ներկայացուցիչներին: Թանկագին մեր Ուսուցիչ, Ն. Ս. Օ. Տ. Ս. Վազգեն Ա Ամենայն Հայոց կաթողիկոս, մեկ անգամ ևս թույլ տվեք աշխարհով մեկ սփռված և մեծ թիվ կազմող Չեր սաների կողմից ի խորոց սրտի շնորհավորել Չերոջ Վեհափառության գահակալության 30-ամյակի առթիվ և ցանկանալ երկար կյանք և նորանոր խիզախումներ Չեր փայփայած բոլոր երազանքները ի կատար ածելու՝ ի փառքս Հայ Եկեղեցու, հայ մշակույթի և հայ ժողովրդի:

Հակիրճ, բայց հուպառատ սրտի խոսք ասաց ՀՍՍՀ ժողովրդական արտիստուհի Վարդուհի Վարդերեսյանը:

Հուսկ հետո տիար Հ. Առաքելյանը խմբի անունից, իբրև երախտագիտության նշան և ի շնորհավորումս, Վեհափառ Հայրապետին նվիրեց արծաթյա վիշապապարդ և ականակիր մեծ գավաթ:

Վեհափառ Հայրապետը շնորհակալություն հայտնեց և իր նախկին աշակերտներին մաղթեց քաջաոռոգություն և աշխատանքափն-ստեղծագործական բեղմնավոր գործունեություն:

Հանդիպումն անցավ շատ ջերմ մթնոլորտում:



ՎԵՆԱՓԱՌ ՀԱՅՐԱՊԵՏԸ ՌՈԻՄԻՆԻԱՅԻ ԻՐ ԱՇԱԿԵՐՏՆԵՐԻ ՀԵՏ